

# C A I B. X.

dh'fhàg e a fheirbhifich agus a spréidh 'fa' mhachair.

22 Agus thubhairt an Tighearna re Maois, Sin a mach do lamh gu nèamh, chum as gu'm bi clach-mheallain ann an talamh na h-Eiphit uile, air duine, agus air ainmhidh, agus air uile luibh na machrach ann an tìr na h-Eiphit.

23 Agus shìn Maois a mach a shlat gu nèamh, agus rinn an Tighearna tairneanach agus clach-mheallain, agus ruidh tein-aidheir air uachdar na talmhainn; agus fhras an Tighearna clach-mheallain air tìr na h-Eiphit.

24 Mar fo bha clach-mheallain ann, agus teine measgta leis a' chloich-mheallain ro-mhòir, aig nach robh a samhail ann an tìr na h-Eiphit uile, o rinneadh dùthaich dhith.

25 Agus bhuaill a' chlach-mheallain air feadh tìre na h-Eiphit uile gach *ni* a *bha* 'fa' mhachair, araon duine agus ainmhidh: agus bhuaill a' chlach-mheallain uile luibh na machrach, agus bhris i uile chraobha na machrach.

26 A mhàin ann an talamh Ghosein, far an robh clann Israeil, cha robh clach-mheallain.

27 Agus chuir Pharaoh *teachdaire* uaith, agus ghairm e air Maois agus air Aaron, agus thubhairt e ri, Pheacaich mi an uair so: *tha* 'n Tighearna ceart, agus mise agus mo shluagh aingidh.

28 Guidhibhs' air an Tighearna (oir is leòr e) nach bi tairneanach an barrach <sup>a</sup> agus clach-mheallain ann *ni* <sup>a</sup> mò; agus leig-

idh mise leibh falbh, agus cha'n fhan sibh ni's faide.

29 Agus thubhairt Maois ris, Co luath 's a théid mise mach as a' bhaile, sinidh mi mo lamh an a mach a chum an Tighearna: agus sguiridh an tairneanach, agus cha bhi a' chlach-mheallain ann ni's mò; chum as gu'm bi fios agad gur leis an Tighearna an talamh.

30 Ach air do shon-fa, agus air son do fheirbhifeach, ata fhios agam nach bi eagal oirbh fathaist roimh an Tighearna Dia.

31 Agus bhuaileadh an lion agus an t-eòrna; oir *bha* 'n t-eòrna fa dhéis, agus an lion fa fhras <sup>b</sup>.

32 Ach cha do bhuaileadh an cruithneachd agus an seagal; oir cha *robh* iad air fàs suas.

33 Agus chaidh Maois a mach o Pharaoh as a' bhaile, agus shìn e mach a lamha chum an Tighearna: agus sguir an tairneanach agus a' chlach-mheallain, agus cha do dhòirteadh an t-uisge air an talamh.

34 Agus an uair a chunnaic Pharaoh gu'n do sguir an t-uisge, agus a' chlach-mheallain, agus an tairneanach, pheacaich e fathaist mar an ceudna, agus chruadhaich e chridhe, e féin agus a fheirbhifich.

35 Agus chruadhaicheadh cridhe Pharaoh, agus cha do leig e clann Israeil air falbh, mar a labhair an Tighearna le Maois.

# C A I B. X.

**A** GUS thubhairt an Tighearna re Maois, Imich a steach gu Pharaoh; oir chruadhaich

<sup>a</sup> guthanna Dhé. *Eab.*